

四庫全書存目叢書編纂委員會編

齊魯書社

四庫全書存目叢書

史部
第七四冊

責任編輯：孫言誠 賀 偉

ISBN 7-5333-0535-3




9 787533 305352 >

21369/04

四庫全書存目叢書·史部七四

(大陸版·限中國大陸發行)

四庫全書存目叢書編纂委員會編



齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 48.25印張

1996年8月第1版 1996年8月第1次印刷

印數1—100

ISBN 7-5333-0535-3

Z·37 史部定價：87600 圓

史部第七四冊目次

史部·詔令奏議類

皇明兩朝疏抄十二卷(二)

〔明〕顧爾行輯

故宮博物院圖書館藏明萬曆六年大名府刻本

..... 一

皇明留臺奏議二十卷(一)

〔明〕朱吾弼等輯

蘇州市圖書館藏明萬曆三十三年刻本

..... 四五五

皇明兩朝疏抄十二卷(二)

〔明〕顧爾行輯

故宮博物院圖書館藏明萬曆六年大名府

刻本

附《四庫全書總目·兩朝疏抄

十二卷》提要

皇明兩朝疏抄卷之六

時政類

直陳時政切要疏

張居正

臣聞帝王之治天下有大本有急務正心修身建極以為臣民之表率者圖治之大本也審機度勢變化宜民者救時之急務也大本雖立而不能更化以善治譬之琴瑟不調不絳而更張之不可鼓也恭惟我皇上踐祚以來正身修德講學勤政懋懋以敬 天法 相為心以節財愛民為務圖治之大本既已立矣但近來風俗人情積習生弊有頹靡不振之漸有極重難反之幾若不稍加更易恐無以新天下之耳目天下之心志臣不揣愚陋日夜思惟謹就今時之所宜者條為六事開欵上請用備

皇明兩朝疏抄

卷六

一

聖明採擇臣自惟幸得以經術遭逢 聖主備位輔朝爰與同事諸臣寅恭諧協凡有所事自可隨事納忠似不必更有建白但臣之愚昧切見 皇上有必為之志而淵衷靜默臣下莫能仰窺天下有願治之心而舊習因仍趨向未知所適故聚不避形迹披瀝上陳期于宣照主德而齊一衆志非有他也伏乞聖慈垂鑒俯賜施行天下幸甚臣愚幸甚一省議論臣聞天下之事慮之實詳行之貴力謀在于衆斷在于獨漢臣申公云為治不在多言顧力行何如耳臣竊見頃年以來朝廷之閒議論太多或一事而甲可乙否或一人而朝暮貶或前後

陳愚見以裨 聖治疏

凌儒

臣謂人臣生值 昌明之時復遘可言之會乃不能殫心畢知以裨時政之萬一不可謂忠臣愚無知待罪言責久矣茲者伏遇 聖明風夜孜孜以求治理而大臣亦多精白以承 休德臣愚偶有所見敢復避忌而不一吐納於君父之前哉臣竊見 今日近臣清肅矣而外臣之貪墨者未見回風選將公明矣而操軍之虛冒者未聞改轍茲憲屏除矣而賄哲之伏處者未遂登崇此皆海內日昃昫焉延頸企踵以俟而不容不蚤慰其心者也臣謹據事條列如左伏望 聖明俯賜採擇施行 一曰重貪墨之罰皇明兩朝疏抄 卷六 五 凌儒

以勵頹風蓋 國家建立在外大小臣工凡以為潤澤生民保安地方之計而其最切且要者則在布政與知府知州知縣等官苟此輩不貪則保釐司牧咸得其人民瘼庶幾其有瘳矣奈何此輩提方寸之印任意伸縮錢糧朝夕營私執猷朴以鞭笞百姓其所以括取常規舊例火耗秤頭與夫因事受賄指公科歛甚至假借軍餉名色動罰大家富戶輒至幾百幾千惟隨剝膚民不堪命至是極矣然其所以肆無忌憚者亦以賊吏之罰太輕蓋曰縱或敗露彰聞重不過為民次亦不失冠帶以去此外更無憂矣則其所以嗜利殉財惟日不足又何所顧而不為哉臣謂

今日在內臣工率相重名檢而該省其而 明旨屢頒復諄諄乎私覬是禁迺日聽外官之貪墨如故不為破格一屢如吾民之倒懸何合無 勅下該部通行撫按將屬內貪墨異常者不得優以藩司官尊卑科可惜不得待以朝觀罷斥差完論劾即不時指實奏 聞仍令該部今後遇有指名特奏者不得緊擬開任為民務須重擬以憑繁解來京追賊治罪其事情稍輕應行提問者該部仍酌地方遠近限以具 奏之期不許歲月遷延復致倖免其有先經論劾見行提問久而不報者巡行切責為何姑息長姦如此則禁例之中飭益嚴風聲之感召自別而懲一警百之餘庭貪黷者稍知改弦易轍矣 一曰革虛冒之兵以求實用蓋 國家設置春秋操軍凡以護衛都城即古所謂采薇之戍也其善也奈何法久弊滋有空名而無實益除山東河南尚依限赴營稽獎頗以者姑不論外獨江北直隸臣自束髮以來未聞每年有一軍上班有一批迴附卷者邇來雖立法稽查甚嚴領操官察提降罰殆盡卒不能使一人來京何也蓋中都留守司所轄凡操軍共四萬四千有奇通計行糧銀一十四萬餘兩各在該府關給百計留難如該班應給銀一千止先給與三百即三百之內又皆加一扣除領操官得此止帶一二管事人役巡赴

京隱姓諱名上下打點子以東支而吾萬一稽查即便棄
營而走矣其所以頂名代役者又多在京積習之徒專一
用強包占而營官以納賄為便該吏以得財為常左右通
同剋減賣放者十且八九此其行無所資勢不能來而茲
有所售且不必米其為弊非一日矣夫 朝廷外則歲費
銀十餘萬兩以給軍內則歲費米數萬石以養軍乃竟無
分毫之用或者猶謂法不可以卒變是徒知愛禮存羊而
不知採華忘實者也合無 勅下該部再加議擬將江北
操軍免其赴京止將原額行糧銀兩如數徵解仍於應操
各軍名下每名量追銀一兩謂之免班責令衛所掌印官
皇明兩朝疏抄 卷六 七 凌三編

知則充養純粹輿論久乎有所謂吉水羅洪先其人者行
誼優長鄉評推重有所謂華亭林樹聲莫如忠臨川徐良
傳其人者廉正自守終始弗渝有所謂汶上吳嶽其人者
疆毅有為盤錯不變有所謂金谿吳悌其人者此數臣者
或懲創益深而才行可用或沉疴久起而年力方強即今
身處獻畝之中非不忻幸有昇平之遇而思欲一置身
於 聖明之朝也苟失今不蚤為錄用而風采不表見于
後固若輩之所甘心者而野有遺賢其謂之何臣謂頃者
既多罷斥匪人而將來復者豈不宵人才亦幾于乏矣此
而舉隱逸以接續之誠 今日之所不容緩者合無 勅
皇明兩朝疏抄 卷六 八 凌四編

下該部再加採訪果臣所舉或非繆妄將羅洪先等隨材
器使及時登庸使不使臣愚冒知而不舉之嫌復不使天
下抱舉而不用之嘆若夫限于耳目未周聞見未悉許地
方撫按各拔其尤疏其名以 聞如濫舉以樹私恩若三
十七年借邊材以希進用者連坐所舉如此則江漢鮮焉
綸之士四方集千里之材而拔茅連茹之餘庶在列者咸
知所觀感興起矣伏乞 聖裁

陳愚惻以廣 天恩疏

顧存仁

臣聞宋儒周敦頤曰乾稱父坤稱子茲親焉乃混然中處民吾同胞物吾與也大君若父母宗子大臣宗子之家相凡天下疲癯殘疾惻隱寡苦兄弟之顛連無告者也至聞先師孔子曰黃帝堯舜氏作而正變使民不倦神而化之使民宜之是以自天佑之吉無不利而終之曰垂衣裳而天下治蓋取諸乾坤是知人君與天地常相為流通君道失而天下否上天未嘗不降災以示怒君道得而天下泰上天未嘗不垂祥以示喜而人君所以知化以善迷窮神以善繼者又未嘗不以天下之心為心天之所謂怒者人君亦怒之天之所喜者人君亦喜之此天人交感之機父母宗子一氣渾理之妙一定而不可易者是故帝王之治始於歲農成於皇帝至堯舜則通變神化法制大備而鳳凰來儀自堯舜之後歷幾百年至成周之治肇基於后稷顯承於文武成康則制禮作樂郁乎文而海不揚波當時之替其治者不過曰恭己曰無名曰刑措不用是知堯舜成康之法天為治也當其法制之未備人文之未治未嘗不乾旋坤轉發揚蹈厲以新天下之耳目比其法制之既備人文之既治又未嘗不歛寂神功休養生息以疑天下之心志此其治所以至天下稱盛說者謂泰

皇明兩朝疏抄

卷六

九

仁一

和在唐虞成周宇宙間者有自也自成康之後歷千餘年

至我太祖高皇帝出斟酌漢唐宋元制而一準於成周

我成祖文皇帝又重起而恢之而其治可謂一新矣迨

我皇上中興御極十七有紀凡天下之利病制度之因

革或出於祖宗之未暇或由於近代之廢弛莫不次第

舉行煥然大備而寶靈靈鸞不一而足乃今秋明堂

配享稱祖稱宗而景靈宮見亦不旋踵及至昨朔

冊上皇帝上帝之大號而天心下鑒星月爛然加尊

高祖高后之鴻號而祖廟晉欽天日晴明當其時宇

宙之和氣充塞臣民之惟祈無間雖唐虞成周之際真元

皇明兩朝疏抄

卷六

十

仁二

會合之運恐無以過於此者則朝廷之禮樂可謂曠古

而無倫皇上之功德可謂格天而無二矣臣備員該

科濫叨侍從何幸身親見之茲有一得之愚可以迓天

休頌者不為陛下獻之豈惟所以負陛下抑且以

負良時矣謹條為五事冒昧上陳伏乞勅下廷臣

詳議題請推類施行務使天下得虞周之盛而萬世

之下復稱陛下為恭己無名刑措不用之君此實千載

一時也若我皇上恭默以承天休靜息以培民命此

又在陛下躬行而獨得之者臣不敢一一煩瀆聖聰

一曰廣曠蕩之詔臣聞孝子之養親也樂其心不違其志

是故父母之所愛亦愛之所敬亦敬之至於天恩上而況於人乎今大皇帝上帝陛下之父母陛下皇天上帝之宗子也而天下之顛連無告者又皆皇天上帝之所生陛下同胞之赤子也今我皇上因明堂配父而冊天尊祖此自古未有之典禮也天心鑒悅而雲日燦爛此自古未有之祥瑞也近該刑部審錄重囚而特詔暫罷上廣天恩及該御史胡中奏決罪囚而順天八府一體詔罷此又自古未聞之恩澤也目今詔示中外使不溥承天意以廣天恩緊破常調以垂曠典則陛下視今日亦猶太常耳何以昭示華夷

皇明兩朝疏抄 卷六 十一 仁三本

而起越今古哉臣愚以普天之下莫非王土率土之濱莫非王臣皇上之所子愛者不止於京師我皇上之所哀泣者亦不特於畿輔也即今天下罪囚暫免行刑者止於畿輔而已耳嗚呼是不知畿輔之外業已屢決而不及奏免者獨非皇天之所生而為陛下之赤子乎他如往年誦戍諸臣不下百十餘人昨因廷議俱已詔宥無遺所不及者止於馬錫楊慎呂經馮恩等數人爾即今趙浦歲久糾文日深而劉濟豐無聞知病死其他摧折風塵所未知者恐又不止此而已則今天下之顛連無告臣知亦有甚於此輩者切思六合同春而一夫不獲瀕黃

笑而向隅獨泣臣决知皇上之心必有所不忍者夫一不蒙恩宥而費志俱沒豈不為大造之憾而仁之累哉伏乞勅下廷臣議擬合無今日大詔之頒凡臣民恩賜破例加隆至於寬宥無辜比前特廣其他誦戍諸臣一體矜宥俾得生還鄉土均為聖世之民同歌太平之盛豈不休哉至於節年言事謫降與夫邇來舉薦諸臣併望推廣天恩不拘常例一體查奏陞用及或自後言官狂妄而志非有他者亦乞緊賜優容豈惟民臣之幸我皇上渾淪平蕩之治真與天地同休而萬物一體矣二曰崇安靜之吏臣聞漢帝元和之詔曰俗吏矯飾外貌似是而非朕甚厭之甚苦之安靜之吏惴惴無華日計不足月計有餘此誠王者之言深識治體之詔也今我皇上制作無前而上天垂鑒禮樂之蓋世可謂咸備而無缺功德之及人可謂深洽而無外矣雖補偏救弊之方時不可無而國家之元氣生民之命脉此正陛下與天下休養生息相忘於堯舜而治之日也夫何邇年以來守令出率往往厭棄舊章好為新政不究國家之大本大原惟屑屑於簿書期會之間不詳生民之大利大弊惟瑣瑣於毛錐釐色之末以為不如是不足以取勝於前官而受知於當路如興一利也名曰愛人後之欲自

皇明兩朝疏抄 卷九 十二 仁四本

附於愛人者復欲更張之不知 祖宗之良法固在也利
未及而民先不勝其擾矣况未必利乎如除一弊也名曰
節用後之欲自附於節用者復欲裁省之不知有司之用
度固在也用日節而民益不可為矣况未必節乎此自
昔之常態莫有甚於今日者使為常道者更復惟其名不
惟其實形之薦剗考之課最者俱若人焉則後之為政者
安得不效尤之而人甚一人日甚一日邪信如是則政體
之得失生人之理亂彼必至於不顧其勢不得不衡衡以誰
衆屈指以待遷善積弊以遺後人豈有肯加惻怛於細
民助 陛下流教化者耶此仁人之所隱憂而司 國柄
者不可不亟反之也臣惟 祖宗之法未嘗不善而孰
所趨或有所偏而節用之言之建言廷臣之建議頒之
詔諭詳悉無遺至於今年天下朝 觀官員款開利病吏
部採擇題行者尤簡要而切當但各官到任不齊邸報之
抄傳未盡司府之文移若繁類官之民情未諳其勢不得
不視為故紙束之高閣愚者限於不及觀智者眇為不足
觀反欲出已見以創為新政此 陛下所以有配天之德
格天之政而天下黎元未得享安樂樂業之休者未必
不由於此伏乞 勅下該部備行內外官員務要上遵
皇祖成法盡修職業不必效為新政以紛擾或令該部即

皇明兩朝疏抄

卷六

十三

五

將近日條約所陳利弊及香近年 欽詔事宜凡有益於
郡縣者悉繕成帙遇初選官員如降頒知事劄人授一冊
以便省覽未必不為策仕之助而 國家之元氣生民之
命脉庶幾培養其二而天休永垂矣三曰重撫按之責
臣聞天下之休戚係守令之賢否天官之黜陟係撫按之
薦劾是撫按者守令所視以賢否天官所視以黜陟生民
所視以休戚即古代天子巡狩之職而可任非其人如往
年 皇上勅諭部院曰欲守令盡職又在巡按御史克盡
職以為表率他自不敢不勉近該吏部題選急缺風憲官
事奉 聖旨近來御史出產往往恣肆不遵憲綱今後
皇明兩朝疏抄 卷六 十四 仁六
你每務要揀選老成持重的補用不許一槩濫授大哉
皇言誠切中時弊矣惟撫按之薦劾不貴多而貴精至於
巡行之懲勸不以刻而以慎昔人所謂賞一人而天下勸
罰一人而天下懼者用此道也以薦劾言如近年之指派
刻為名流目循良為廉潔者固不足道至若所舉者必欲
盡其人以市恩而漫無皂白之可別所劾者必欲得其人
以備數而不顧他長之可取則亦非公平之體也以巡行
言如近年之給驛驛而肥身指狐狸而埋轍者固不足道
若以是餘為課最而考之查盤者務欲設法坐贓以除
強盜能吏而耗之訪賢者惟願入人之罪則又殃民之尤

者也他如唯諾聲譽而不思士風之目下趨走問謁而不恤驛傳之騷擾近該湖廣都御史顧鄰其科都給事中朱隆禧已言之矣至於更調一節尤所當慎臣惟天之生材不甚相遠而許承應吏重聽何傷以操觚染翰之徒旦夕臨之於民上當道者遽憑喜怒而責成效不知數易其吏送故迎新所易新吏又未必皆賢徒相益為亂耳此漢臣黃霸之言尤為今日切弊也伏乞 勅下都察院行令撫按今後按臨務要恪修職業共持大体以自表率至其舉劾懲勸更簡調繁以報 陛下者必精必慎以保我黎民至於各官之陞調撫按之推選該部亦不得輕舉濫授以皇明兩朝疏抄 卷六 十五 仁七

交固其心則 國家之元氣生民之命脉庶幾培養其一二而天休永垂矣四曰慎考察之政臣聞人之才行自昔罕全苟有所長必有所短若錄長補短則天下無不用之人責短舍長則天下無不棄之士是以伯鯨治水無功必待九載而後考黜臯陶為士執法而克宥之三信夫人材難得而罰疑惟輕也目今京官而當事者不以惜材為念而精考核臣恐以二卵棄千城以能言信宰我不肖者漏網而為善者懼矣臣聞 祖宗之朝治化渾淪人皆修飾而考察數少至成化弘治之間而此意尚在也昨年考察京官而至今稱寃未必非各官之罪而當事者亦或徇耳

目為是非任喜怒為憎愛植同異為怨恩失之太而過刻也爾因廷臣建議各官之負屈于下者 陛下數數 詔舉而用之得非以往年之大濫而人材之可惜乎殊不知今日所謂賢而舉用者即往年所謂不肖而考察者與其憐舉之于既黜之後孰若精慎之于未黜之先乎此其情不可以不矜而當事者不可以不察也又况 皇上 御極年久 德化之洽浹諸臣者比前特深而諸臣之漸濡而向化者脩飾亦異比正 陛下與天下相忘于垂裳而治之時與諸臣相忘于家人父子之日即今 大禮告成 皇天垂鑒薄海內外皆欲同春而諸臣之服勤左右奔走皇明兩朝疏抄 卷六 十六 仁八

後先周旋侍從之間親見 德化之成者顧不大垂 曠典以 錫其身家以矜其罪過此豈 皇天一視同仁之心 陛下推恩自近之意乎伏乞 勅下部院明年考察務以愛惜為心以寬厚為本秉公持平開誠布公比往年事例特加情恕以仰体 陛下之意以上答 皇天之心 陛下之于自陳待罪者亦乞 賜優容待天下以君子長者之道則 國家之元氣生民之命脉庶幾培養其一二而 天休永垂矣五曰抑邪佞之風臣聞堯舜之命禹精一執中之言垂之而又諄諄曰無稽之言勿聽弗詢之謀勿庸孔子對魯四代之禮樂告顏淵而又終之曰放鄭

聲遠使人信夫邪佞之言易惑而可畏也乃今如 明
 告成雖因豐坊之建言 聖心之定議已久矣吳瑋何人
 而議如誤豐坊等義建其於釋氏之徒 皇上之欲化正有
 肯矣其疑秀何人而乞度其他蟬噪蛙鳴紛紛不已獻實
 獻煩源源不絕釋此 禮樂大明之時 天心垂鑒之日
 不預為 詔諭以禁其將來臣恐造言生事以瀆 聖聰
 者不止於吳瑋巧言令色以搖 國是者不特於葉凝秀
 矣伏乞 榜 諭中外以昭示人人使知吾 聖明正教中
 天如日或有前項之徒出位陳言棄間希進者各該衙門
 務要參察究治及瞻者察京官目今在邇近來遊食之徒
 多有罷閑官吏黜退生儒脫逃軍匠潛住京師希圖教唆
 本狀詐害良善挾制官府報復仇怨甚至匿名投書暮夜
 黏貼糾習成風漸不可長蓋有不止於希求進用而已者
 近該禮部察治生員黃淮奉 聖旨今後罷黜生員并各
 色人等潛住京師假以建言為由希圖進用及寫本狀教
 唆挾騙人的着緝事衙門訪拏照例枷號發遣 陛下之
 意已先得之矣伏乞通行巡城御史緝事衙門預令用心
 緝拏重則開缺以外輕則送回原籍仍責月報有無以驗
 勤惰務使公議止出於臺諫而無容喙於蠹蟪 國是常
 時于 廟堂而不偏或於真寤則收一而風俗美人心

定而士習端 國家之元氣生民之命脉庶幾培養其二
 而 天休永垂矣

皇明兩朝疏抄

卷六

十八年

時務最要三事疏

魏時亮

臣聞帝王之治以親親為先以禦屬為急以仁民為大
今天下有三患 親親則藩祿不給矣禦屬則邊餉不
足矣仁民則公私告匱矣 皇上冊位 東宮首念 宗
藩祿之缺東西宮之集多官安攘之謀 登極布令
重軫國匱民艱之急則我 皇上所加意者固恒以此三
大患為首務臣等效忠君父者又敢不竭犬馬之思而念
切 國家之計哉語曰厝火積薪之下火未及燃尚以為
安今日 國家匱乏之勢何以異此臣請為 皇上備言
之臣等伏聞 宗藩者 天潢之戚脉也匹夫而饑寒
皇明兩朝疏抄 卷八 十一
皇上且將惻然動念矧 天潢乎廼今 宗室蕃盛屬祿
日增各處竭民脂膏不足供歲入之半祿厚者猶可展祿
薄者轉死溝壑昔人謂饑寒切身雖慈母不能保其子而
今者遠在 天潢非細故也饑寒迫其外復無禮義以養
其中有識之士方抱長慮矧日前已難支持即日後作何
措處此而不為之計真賈誼所謂及今不治必成痼疾者
矣臣等淺見薄識何能為謀顧區區一念愛 國不容自
已嘗伏思之有一時教養之計有百世經久之計所謂一
時教養者何蓋 宗室最多之慶貧困焉極矣子弟失教
之素不檢者多矣創立宗學不但為禮義之關實可資為

生養之地伏在今日切不可視宗學為緩圖也禮義之性
或驕淫是肆禮義之習非預養弗成勢眾易於變生困極
易於為暴苟不籍禮義以緹之詎能久乎是以 宗藩條
例首載乎此而各處並未舉行者何哉以事有本原得其
本原則事可就緒今宜 申勅巡撫如例內所謂悉采
武岡王議特建一學特選 宗室中行修舉著者一人為
宗正以主宗學一應事皆專責巡撫為提督官此事之原
也三者如其議然後教養師生習學出學及稽考賢否并
放縱傷教者悉奏降革之條方可責在巡撫著實舉行但
提督在巡撫而教訓仍口責在提學地方大遠并責在該
道守巡等官其 宗室多處特建一學果少處即宜於府
縣軍民學內闢除空地一段創立一 祖訓堂并號舍以
便宗生肄業宗學教訓守重德行宜訪其性度時加拘檢
詢其素行立為勸戒凡 具宗饑困率由奢侈所致教訓之
中更宜申重申身節儉之義嚴加提撕警覺並令習與性
成若宗學條教脩明宗 正各就規矩守巡等官俱聽巡按
特薦不次超擢然臣等又謂可資為生養之地者蓋貧窘
宗室於中有行誼最著宜加風勸者責令巡撫舉來在學
於常祿外養以訓導一官之俸舉當必賞濫舉者罰其餘
極貧無倚所當賑救而非行誼應舉者宜於常祿外日量

給學米賑之有貧不能進者且呈到學量助其宗生固宜少課文辭而貧宗子弟更宜夜間醫學一路延取醫師教訓是禮義實寬父相為養誠今日慶宗濟之急務焉但貧宗之勢亟矣或乞食道途或投身傭隸此固途人所不忍而親郡王之支派伊邇者何獨忍之况祿厚者坐享貧迫者環視非久安之道也今宜因宗學之建定議郡鎮國各仰答祖宗之靈深思一體之誼特開勸學睦宗之例凡祿萬石者歲薄捐五分之一祿二千石者歲薄捐十分之一祿一千石者歲薄捐二十分之一扣存該處衙門悉收作宗學內風行誼賑貧多助欽聖之用夫勸學睦宗為善最樂我皇上特賜聖書扁額以獎異之各分祿之數歲者為例此尤宗學所當懸屬之誼也凡此皆不過一時教養之計耳苟為百世經久之慮宜及今為之計焉蘇軾有言聚則爭於不足之中散則棄於有餘之外今貧宗多慶聚居一城不但民力難供抑且地方有限在官府莫能為之謀即各宗自為生計亦無所措手足焉語曰聚則爭爭則亂無事既相尚以驕侈之風有事又相邀為挾制之術皆聚故也茲急宜散之於宗室最多極貧之屬如平涼大同開封等府專責該處撫按就本省相度止府州縣大縣去守巡附近地方可安插宗室者奏

皇明兩朝疏抄

卷六

十一

聖

請酌量分封然後生計可活臣等可與宗室議其不遠稍使搬移原封除什物自行變賣外其房屋園地等項以助分封房舍皆限令狹小不准建飾封井有王府地方有司正官伏乞著為令典例後管理宗室有異議者肆者有司仍許暫行拘管守位一面稟知該管親郡一面徑自奏聞一一著為令典此分封所當議者不容緩也伏見中土邊方宗甚貧迫迫有曠閑其在各處宗室者連阡陌之田宗貧者無立鑽之地皆不可不措處也伏乞嚴限各撫按守巡查有官民無碍田地酌量歲可收租利若干各給貧宗抵析祿糧若干俾各令人佃種更嚴立查勘之法除親王欽賜田土查明外若親郡以下係干祿獻私占者嚴勅撫按守巡查勘并諸人首肯除以前不論外以後該歲收租利幾何可抵析祿糧幾何查果無碍仍給宗室本主營業但抵析祿糧只許發足三分之一其二分仍支祿糧若已足三分之一者凡多餘田土通行扣出給與別宗儘無別宗地方入官管理此利所當均者不容緩也嘗聞非禁之禁士庶必嚴天潢可混祖宗在天之靈不能無心恫者遇今花生子女禁止不與口糧而冒以花生袍養混玉璫者全無重罰豈所以嚴族類之辨慰祖考之心乎若無嚴立保勘又

皇明兩朝疏抄

卷六

二十二

時

不過紙上虛文微隱難知誰能敵怨伏乞 申議除保勘
舊規已行外今後責任 親郡通行嚴禁乞 宗室及本
家宮眷親屬牧生等婦知情者各赴該管 親郡并官府
衙門舉首舉首之人行布政司或本府懸賞銀五十
兩或三十兩若已汗混 玉牒者所犯 宗室撫按奏
請定行黜削此 天潢所當辨者不容緩也此三者皆自
世經父之計雖非奇論實可必行儼當事者以遠慮為心
庶幾或以一得可採議者又謂宜依 國初遼韓伊岷肅
諸府之制祿米皆二千石 郡王遞減又謂漢宋得應制
舉及工商各治生為兩便此二者雖經具題臣等未容輕
皇明兩朝疏抄 卷六 三十三 時立守
議但竊則思變則思通苟不措處久益難圖冀謀國者
重加留意仰惟 皇上憐憫貧宗 勅下該部查務務申
嚴宗學之法刻期創建定議經久之計責在必行也乞
特賜璽書與各該 親郡王府獎諭指授宗學尚義睦宗
凡事體應責地方撫按有司各官者俱限文書到日半年
一年奏報此 宗藩所當計處者一也 國家定都燕
去遼咫尺遼事振則安遼事壞則危茲欲大張遼計非選
練將士不可欲結士心非厚充邊餉不可先年邊餉之法
藉商人中鹽屯田於邊利而官亦利今則取給 內帑
遙屯廢而塩課日增商困而官愈困焉去歲仰遵 明諭

廷議籌邊申重理塩法之一策特設屯塩大臣選用才望
蓋誠有見於此而思為救急之計矣伏考 廷議有曰奏
請 簡用俾之清理因以興屯田之利裕塞下之民此專
為塞下非為內地也迺昨 欽遣大臣一往江北一往江
南一往河東等處往江北者兼理山東河南等處屯田往
江南者兼理浙江湖廣雲貴等處屯田往河東者兼理四
川等處屯田是內地在所重而塞下反在所畧夫屯田塩
法相為表裏專以塞下屯田言也若內地之屯田原與塩
法無相干與緣內地省直屯田自有省直專責以經理則
有巡撫以專管則有分守屯田等道以查覈虛實則有巡
皇明兩朝疏抄 卷六 三十四 時立守
按御史封疆既濶事體亦殊今徧以一大臣兼統之豈惟
巡歷之難周亦且查訪之不及不過行文各該地方添一
造冊繳報而已今仍宜責在該部申明事體專責各省巡
撫與分守屯田道以下等官各務實修屯政嚴立舉劾外
而昨者 欽遣大臣請悉罷兼山東河南浙江湖廣雲貴
四川等處屯田事務只宜各分搭九邊屯塩地方管理俾
各清理塩法外專意興復塞下屯田如是而後仰答 聖
明不負初議何者塩法清理一巡撫御史稍加久任可責
成之若三大臣則專為清塩法於內而因以復屯塩於外
為不然其非議 遣之初意以慰中外人心之屬望者

但九邊分搭管理或謂以遠近分搭則江南鹽法即宜經理
薊遼保定等處也鹽江北鹽法即宜經理宣大山西等
處屯鹽河東鹽法即宜經理延寧甘肅屯鹽或謂宜以事
體相關分搭則又宜查酌屯塩輩例凡商人報中於其邊
即支塩於內地其處者今大臣清理內地其處塩法即宜
管理其邊屯田因各商支塩報中地方以為大臣分搭
管理庶內外相關事體亦便若謂塩法清理稍易屯塩興
復甚難殊不知大臣設心惟思利國有利於國不以其難
而遂委之無利於國不以其易而苟為之今三大臣之
遣專欲復邊商之屯中也議其難者不過曰 內帑旦夕

皇明兩朝疏抄

卷六

二十五

時七元

給邊專藉塩引折色一旦赴邊報中則在邊尚未得本色
之利而在內已先乏給發邊餉之資不知利不可以驟興
法莫良於遠慮又遠之計興復屯塩為最即在目前酌處
盈縮有方何者凡在內塩額初年以十分為率宜令八分
仍納折色二分赴邊庶在內折色尚多在邊脩復以漸其
赴邊商人必令厚利漸使樂趨待邊屯大興本色果賤每
年漸加以漸可多復焉若謂屬犯非時邊屯難種今在邊
屯軍非赤子耶果如所言邊塞將不保矣得塩商而邊屯
愈固屬犯愈難但今屯塩大臣必宜令其領修築墩堡
勅書事務俾屯軍塩戶墩堡可觀一應事宜聽大臣悉心

措處惟當畢者責而成之苟利社稷誠非久任不可所
遣大臣一考三考累有勞績則倍加恩蔭特獎即本
任漸進尚書官保之職俟後在內正卿員缺仍內補久
任以酬其勞統乞皇上加念籌邊大計勅下該部查
議欽遣三大臣專職責令各兼邊鎮屯塩重務久任考
成必期興復祖宗良法庶邊儲不匱而官商軍民皆利
此屯塩之當計處者二也伏讀易曰何以守位曰人何以
聚人曰財是天子所以聚人民守天位所需於財用者至
急也今者府庫空虛百姓窮困則民不可聚矣不可聚豈
特為民患已哉言及至此良可寒心將欲蠲稅以裕民而

皇明兩朝疏抄

卷六

二十六

時八元

度支無終歲之計將欲取民以足國而百姓有離畔之憂
議者乃遂括天下府庫之餘以充目前匱乏之用殊不知
府庫不遺錙銖甚非地方之福萬一變生不測官兵將束
手待斃矣今宜酌量停止各處府庫搜括外其所以為急
救之策者惟在責成乎守令焉語曰百姓足君孰與不足
邇者百姓之不足實守令之不良致之也近年多慮守令
非才止為阜異勸獎綜覈費失策尤甚自阜異之名出
而守令之職怠矣何者天下人材不相遠其今以其之才
為異而彼不以異稱者在賢智之士將感慨俗論而少懈
其心彼不賢之徒必希覬使途以營求其進雖中有可

稱誦者置之薦列誰曰不宜一立此名實緣捕過之輩實多飾詐匿情之風方起則官風愈偽而吏治漸虛恒卓異之名誤之也至於上下成風共負恭承太過故守令奔走無虛日一以能稱即致上同安用故州縣上官多差遣茲欲大振吏治須從官署其迎送奉承與上官差安務查近題事例嚴立禁律定行察點一二示戒如是則守令不緣虛名以亂實心不緣迎送妄用以致耗精力然後各府州縣庶幾平有實效矣夫政在養民義在國體謂實政者救今日之弊之是也嘗聞守令有九事曰治民生計也清民賦役也通民財用也興民禮教也防民暴亂也皇明兩朝疏抄 卷六 二十七時九

之拖捱而小民不蒙惠也自非精敏通才輒於錢穀其要弊孔竄究其原要必嚴責府縣清查覈凡見徵錢糧除災傷蠲免外設法追完通負錢糧除遠年恩赦外其近年侵欺瞞隱拖捱者盡教查出其則呈請上司追究如情節重大並許奏聞有錢糧不完不清者自州縣以上至分守管糧等官照例不得轉陞離任如不完不清至五分七分以上者戶部歲終照例查參降黜蓋賦有常經乃所以足國惟後從輕減實可以便民曰清民賦役者蓋如此迺若通民財用者蓋令民之困窮極矣錢法通行於民最便今不但南方未有行者即 尊嚴之下且阻格馬臣皇明兩朝疏抄 卷六 二十八時十